

MESYUARAT PERTAMA PENGGAL PERTAMA
DEWAN UNDANGAN NEGERI PULAU PINANG
YANG KEEMPAT BELAS
02 OGOS 2018

PERKARA : 4(B)(XVIII)11

**SOALAN BERTULIS OLEH AHLI KAWASAN PERMATANG BERANGAN
YB. NOR HAFIZAH BINTI OTHMAN**

11. Adakah kerajaan mempunyai rekod penubuhan koperasi bagi merancakkan pertumbuhan ekonomi rakyat? Jika ya, berapakah jumlah koperasi yang berdaftar dan sejauh manakah koperasi tersebut menjana pendapatan ekonomi tempatan?
- (a) Bagaimana status keaktifan setiap koperasi dan bagaimana kerajaan membantu koperasi membiayai perjalanan operasi mereka?

**YB. DATO' HAJI ABDUL HALIM BIN HAJI HUSSAIN
MENJAWAB BAGI PIHAK Y.A.B. KETUA MENTERI**

11. Sehingga 31 Disember 2017, bilangan koperasi yang berdaftar dengan Suruhanjaya Koperasi Malaysia (SKM) Negeri Pulau Pinang berjumlah 716 koperasi dengan jumlah keahlian sebanyak 233,591 orang manakala jumlah syer dan yuran adalah sebanyak RM643,597,765.50. Pemilikan aset koperasi adalah sebanyak RM3,980,978,288.75 yang menyumbang kepada jumlah perolehan koperasi sebanyak RM1,231,567,728.30.

Penglibatan koperasi di Pulau Pinang dalam Bidang Keberhasilan Utama selaras dengan Dasar Koperasi Negara 2011-2020 dalam sektor kewangan, pertanian dan industri asas tani, pelancongan, penjagaan diri dan kesihatan dijangkakan akan meningkatkan lagi prestasi perolehan koperasi sebanyak 11 peratus dari RM1.23 billion pada 31 Disember 2017 kepada RM1.37 billion pada 31 Disember 2018.

Peningkatan jumlah perolehan koperasi ini secara tidak langsung telah mewujudkan peluang-peluang pekerjaan, menjana pendapatan dan membangunkan ekonomi Negeri Pulau Pinang.

- (a) Daripada 716 koperasi, sebanyak 497 adalah merupakan koperasi aktif dengan jumlah keanggotaan sebanyak 220,205 orang manakala jumlah syer/yuran sebanyak RM641,532,183.15. Pemilikan aset koperasi berjumlah RM3,976,278,583.00 dan jumlah perolehan RM1,230,234,290.67.

Kerajaan melalui SKM membantu dan mengawal selia koperasi melalui Akta Koperasi 1993 dan Peraturan Koperasi 1995, di samping memberi bimbingan dan khidmat nasihat perakaunan bagi memastikan tadbir urus koperasi yang lebih cekap.

Selain itu, SKM turut menyediakan pembiayaan kepada koperasi melalui Tabung Modal Pusingan (TMP-JPK) kepada koperasi yang layak dan memenuhi syarat tidak melebihi RM10 juta untuk setiap koperasi melaksanakan aktiviti perniagaan selaras dengan Dasar Koperasi Negara 2011-2020.

Bantuan Pembangunan Koperasi juga diberi berdasarkan permohonan oleh koperasi untuk menjalankan aktiviti yang berdaya maju, tertakluk kepada peruntukan kewangan yang sedia ada.

Manakala, Maktab Koperasi Malaysia (MKM) juga turut menawarkan latihan dan kursus wajib bagi memastikan perniagaan dan tadbir urus koperasi adalah lebih berkesan.

Commented [4]: <!--<table><tbody>

```
<tr>
    <td width="30%" height="20" valign="top"
        class="text-left">ID379/FARA</td>
    <td class="text-center" valign="top"
        align="center"><div id="pageFooter"></div></td>
</tr>
</tbody>
</table>-->
```